



Broj: 05/1-50-13-29-26/12

Sarajevo, 12.6.2012. godine

ZAPISNIK

26. sjednice Nezavisnog odbora Parlamentarne skupštine BiH

Sjednica je održana 12. 6.2012., s početkom u 11 sati.

Sjednici su prisustvovali: Žiko Krunić, predsjednik Nezavisnog odbora, Bakir Dautbašić, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Viktor Dadić, Ljubomir Kuravica, Enes Obralića, Dragan Savić i Stanko Nuić, članovi Nezavisnog odbora.

Opravdano je odsustvovao: Zijad Kadić član Nezavisnog odbora.

Osim članova, sjednici je prisustvovala Ljerka Bojić, stručni savjetnik u Sektoru za druga parlamentarna tijela.

Sjednicu su pratili: Dijana Šatara i Senad Zlatar, predstavnici OHR-a.

Sjednicu je sazvao Žiko Krunić, predsjednik Nezavisnog odbora.

Konstatirao je da postoji kvorum za rad i otvorio sjednicu.

Nezavisni odbor jednoglasno je usvojio sljedeći

DNEVNI RED

1. Usvajanje zapisnika 25. sjednice održane 7. 3. 2012.godine;
2. Razmatranje odluka dostavljenih od Granične policije BiH, a u vezi s dopisom Odbora za žalbe građana;
3. Tekuća pitanja.

Ad.1. Usvajanje zapisnika 25. sjednice održane 7.3.2012.godine;

Predsjednik Nezavisnog odbora Žiko Krunić otvorio je raspravu o ovoj tački dnevnog reda.

S obzirom da nije bilo primjedbi, zapisnik 25. sjednice, održane 7. 3. 2012. usvojen je jednoglasno.

Ad. 2. Razmatranje odluka dostavljenih od Granične policije BiH, a u vezi s dopisom Odbora za žalbe građana

Predsjednik Nezavisnog odbora je podsjetio članove da je Odbor za žalbe građana uputio dopis Nezavisnom odboru sa Žalbom Safeta Varajića kojom se podnosilac žalbe žali na rad direktora Granične policije BiH i direktora Državne agencije za istrage i zaštitu i Prigovorom Safeta Varajića na Obavijest Odbora za žalbe građana.

Nezavisni odbor je razmatrao ove akte na 19. i 25. sjednici Nezavisnog odbora i tada usvojio zaključak kojim je zatražio od Granične policije BiH da dostavi sve odluke nadležnih tijela koje se odnose na žalbu Safeta Varajića, kako bi Nezavisni odbor odlučio je li nadležan u vezi s predmetnom žalbom.

Predsjednik Nezavisnog odbora je konstatirao da je Granična policija BiH postupila u skladu sa zaključkom Nezavisnog odbora i dostavila traženu dokumentaciju i to: Rješenje Državne granične službe o prestanku radnog odnosa, broj 18-05-2-34-11/214 od 20.12.2006. godine; Rješenje Ministarstva sigurnosti BiH-Policijskog odbora, broj:UP-2-04-4-07-1-1-1/07 od 19.01.2007. godine; Presudu Suda Bosne i Hercegovine, broj: P-631/07 od 12.03.2008. godine; Presudu Suda Bosne i Hercegovine, broj: GŽ-19/08 od 02.06.2009. godine). Podsjetio je da je Nezavisni odbor na 25. sjednici, usvojio prijedlog člana Nezavisnog odbora Enesa Obralije koji je učestvovao u radu Policijskog odbora u predmetu po žalbi Safeta Varajića, da se izuzme prilikom rasprave i odlučivanja o ovoj tački dnevnog reda.

Otvorio je raspravu o ovoj tački dnevnog reda.

Član Nezavisnog odbora Ljubo Kuravica je predložio da Nezavisni odbor u smislu nadležnosti razmotri navedenu žalbu i da se izjasni o njoj.

S obzirom da nije bilo drugih diskusija Nezavisni odbor je jednoglasno, sa sedam glasova „za“, odlučio da je žalba Safeta Varajića neosnovana.

Predsjednik Nezavisnog odbora je konstatovao da će Nezavisni odbor s donesenom odlukom u predmetu Safet Varajić obavijestiti ministra sigurnosti BiH i Vijeće ministara BiH u skladu s članom 8. tačka d) Poslovnika o radu Nezavisnog odbora kao nezavisnog tijela policijske strukture Bosne i Hercegovine.

Ad.3. Tekuća pitanja

Predsjednik Nezavisnog odbora predložio je da u okviru ove tačke članovi Nezavisnog odbora prodiskutiraju o aktuelnom štrajku policijskih službenika s ciljem sagledavanja utjecaja na normalan rad policijskih agencija za koji su odgovorni rukovodioci.

Otvorio je raspravu u kojoj su učestvovali svi prisutni članovi Nezavisnog odbora.

Uz konstataciju da informacije o ovom događaju saznaju iz medija, članovi Nezavisnog odbora jednoglasno su usvojili zaključak da je potrebno da se u što skorije vrijeme

sastanu sa rukovodiocima policijskih agencija BiH radi dobivanja potpune informacije o štrajku policijskih službenika.

Sjednica je završena u 12 sati.

Sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić